

ԺԱՄԿԵՏԱՅԻՆ ԱՎԱՆԴԻ ՏԵՂԵԿԱՏՎԱԿԱՆ ԱՄՓՈՓԱԳԻՐ

ԱՎԱՆԴԻ ՆԵՐԳՐԱՎՄԱՆ ՊԱՅՄԱՆՆԵՐ ԵՎ ԱՎԱԳՆԵՐ

ԱՎԱՆԴԱՏԻՊ «ԱՄԻՕ-ՄԱՆԿԻԿ»

(Ֆիզիկական անձի համար)

1. Ավանդի ներգրավման ընդհանուր պայմաններ.

- **Ավանդի անվանական (պարզ) տոկոսադրույքի չափը.**

Ավանդի տարեկան տոկոսադրույքը աճում է յուրաքանչյուր եռամսյակ՝ համաձայն հետևյալ աղյուսակի

Ավանդի արժույթը	730 օր							
	Տոկոսագումարների եռամսյակային կապիտալացմամբ							
Եռամսյակ	1-ին տարի 1-ին եռ.	1-ին տարի 2-րդ եռ.	1-ին տարի 3-րդ եռ.	1-ին տարի 4-րդ եռ.	2-րդ տարի 1-ին եռ.	2-րդ տարի 2-րդ եռ.	2-րդ տարի 3-րդ եռ.	2-րդ տարի 4-րդ եռ.
ՀՀ դրամ	6.25%	6.75%	7.25%	7.75%	8.25%	8.75%	9.25%	9.75%
ԱՄՆ դոլար	3.30%	3.40%	3.50%	3.60%	3.70%	3.80%	3.90%	4.00%

- Բանկ՝ «ԱՄԻՕ ԲԱՆԿ» ՓԲԸ,
- **Ավանդատու՝** ֆիզիկական անձ (ռեզիդենտ, ոչ ռեզիդենտ),
- **Ավանդի արժույթը՝** ՀՀ դրամ, ԱՄՆ դոլար,
- **Ավանդի ժամկետը՝ 730 օր** (Սահմանված առավելագույն ժամկետից ավել ժամկետով ներդրման դեպքում ավանդի պայմանները կարող են սահմանվել պայմանագրային (անհատական) հիմունքներով),
- **Ավանդի ներդրման համար սահմանվող նվազագույն գումարը՝** 30 000 ՀՀ դրամ կամ 100 ԱՄՆ դոլար,
- **Ավանդի ներդրման համար սահմանվող առավելագույն գումարը՝** 100.000.000 ՀՀ դրամ կամ 250.000 ԱՄՆ դոլար, (Սահմանված առավելագույն գումարից ավել գումարի ներդրման դեպքում ավանդի պայմանները կարող են սահմանվել պայմանագրային (անհատական) հիմունքներով: Եթե ավանդը ներդնելու պահին Ավանդատուի և Նրա հետ փոխկապակցված անձանց Բանկում գործող ավանդների հանրագումարը (ներառյալ ներդրվող ավանդը) գերազանցում է սահմանված առավելագույն գումարը՝ ներդրվող ավանդի պայմանները կարող են սահմանվել պայմանագրային (անհատական) հիմունքներով):
- **Ավանդի տեսակը՝** ժամկետային,
- **Ավանդի ներդրման ժամկետը՝** 730 օր, ընդ որում ավանդի ժամկետը լրանալու պահին երրորդ անձի տարիքը չպետք է գերազանցի 18 տարին:
- **Ավանդի համալրումը՝** թույլատրվում է մինչև սահմանված **առավելագույն գումարը**, առանց հաճախականության սահմանափակման, բացառությամբ ավանդի մարման ժամկետին նախորդող 91 օրը:
- **Ավանդից մասնակի ելքագրումներ՝** Չի թույլատրվում, (մասնակի ելքագրման հնարավորության բացակայության դեպքում, Ավանդատուի կողմից ավանդի գումարի մասնակի ելքագրման պահանջը բավարարելու համար, Բանկը դադարեցնում է բանկային ավանդի պայմանագիրը, Ավանդատուին տրամադրում է պահանջվող գումարը, իսկ մնացած գումարը Ավանդատուի ցանկության դեպքում ձևակերպվում է որպես Նոր ավանդ՝ տվյալ պահին Բանկում գործող պայմաններով: Բանկային ավանդի պայմանագրի դադարեցման դեպքում կատարվում է տոկոսների վերահաշվարկ համաձայն սույն ամփոփագրի "Ավանդատուի նախաձեռնությամբ ավանդային գումարը ժամկետից շուտ հետ պահանջելու դեպքում" կետի):
- **Տոկոսների վճարման հաճախականությունը՝** տոկոսագումարները յուրաքանչյուր եռամսյակ գումարվում են ավանդի գումարին,
- **Ավանդատուի նախաձեռնությամբ ավանդային գումարը ժամկետից շուտ հետ պահանջելու դեպքում, Բանկը վճարում է հետևյալ տոկոսները՝**
 - ✓ եթե ավանդային գումարը հետ է պահանջվում ներդրման օրվանից մինչև 365-րդ օրը ներառյալ, ապա վճարվում են տոկոսներ՝ համաձայն Բանկում ցայահանջ ավանդների դիմաց վճարվող տոկոսադրույքների,
 - ✓ եթե ավանդային գումարը հետ է պահանջվում ներդրման օրվանից 366-րդ օրը և հետո, ապա վճարվում են տոկոսն համաձայն տվյալ ավանդի ներդրման առաջին տարվա առաջին եռամսյակի համար սահմանված տոկոսադրույքներ
- **Ավանդատուներին** տրամադրվում է վարկ կամ վարկային գիծ ստանալու հնարավորություն: Վարկը կամ վարկային գիծը տրամադրվում է ԱՄԻՕ ԲԱՆԿՈՒՄ գործող «**AMIO-Առաջնակարգ**» կամ «**AMIO-Առաջնակարգ+**» վարկատեսակների պայմաններով:
- **Տոկոսների հաշվարկը՝** Բանկը տոկոսների հաշվարկն իրականացնում է հաշվում առկա ավանդի ամբողջ գումարի նկատմամբ, ավանդային պայմանագրի ողջ ժամկետի համար՝ օրական կտրվածքով: Ընդ որում, Բանկը յուրաքանչյուր օրվա տոկոսադրույքը հաշվարկում է սահմանված տոկոսադրույքի առնվազն 1/365 հարաբերակցությամբ:
- Կանխիկ մուտքագրված ավանդները և դրանց դիմաց կուտակված տոկոսները տրամադրվում են առանց միջնորդավճարի՝ 0 ՀՀ դրամ:
- Անկանխիկ մուտքագրված ավանդները, որոնց ժամկետը 181 օր և ավելի է տրամադրվում են առանց միջնորդավճարի՝ 0 ՀՀ դրամ, իսկ մինչև 181 օր ժամկետով մուտքագրված և ժամկետից շուտ պահանջվող ավանդները տրամադրվում են համաձայն Բանկի կողմից մատուցվող ծառայությունների սակագների:
- Հաշվից քաղվածքների, դրանց կրկնօրինակների, տեղեկանքների տրամադրման, հաշվի պահպանման և այլ սակագները սահմանվում են համաձայն Բանկի կողմից մատուցվող ծառայությունների սակագների:

- Ավանդատուի ցանկությամբ անվճար տրամադրվում է «Mastercard» կամ «VISA» վճարային համակարգի հետևյալ վճարային քարտը (այսուհետ՝ Քարտ)։
 - ✓ մինչև 10.000.000 ՀՀ դրամ կամ դրան համարժեք արտարժույթով ավանդի մնացորդի դեպքում MC Standard կամ VISA Classic վճարային Քարտ,
 - ✓ 10.000.001 ՀՀ դրամ և ավել կամ դրան համարժեք արտարժույթով ավանդի մնացորդի դեպքում MC Gold կամ VISA Gold վճարային Քարտ*,
 - ✓ նվազագույնը 25 000 000 ՀՀ դրամ կամ դրան համարժեք արտարժույթով ավանդի մնացորդի դեպքում տրամադրվում է Visa Platinum վճարային Քարտ* 50 % զեղչված տարեկան սպասարկման վճարով.
 - ✓ նվազագույնը 50 000 000 ՀՀ դրամ կամ դրան համարժեք արտարժույթով ավանդի մնացորդի դեպքում Visa Platinum տեսակի վճարային Քարտ*:

**Ավանդատուի ցանկության դեպքում սահմանված քարտատեսակի փոխարեն կարող է տրամադրվել տվյալ քարտատեսակի դասից ավելի ցածր դասի Քարտ՝ անվճար: Մեկ ավանդի շրջանակներում տրամադրվում է մեկ հատ անվճար քարտ, նույն Ավանդատուի անունով Բանկում մեկից ավելի ավանդ ներդնելու դեպքում, կարող է տրամադրվել առավելագույնը 2 հատ անվճար քարտ, ընդ որում քարտերը պետք է լինեն տարբեր արժույթներով:*

Ոչ ռեզիդենտ ֆիզիկական անձ հաճախորդներին ավանդի շրջանակներում քարտ չի տրամադրվում:

Քարտը տրամադրվում է անվճար՝ առանց սպասարկման վճարի և հաշվի չնվազող մնացորդի՝ Քարտի գործողության ժամկետի ընթացքում: Քարտը տրամադրվում է ավանդային պայմանագրի գործողության ժամանակահատվածում թվով մեկ հատ: Քարտի սպասարկման այլ պայմանները՝ համաձայն Բանկի կողմից մատուցվող ծառայությունների սակագների:

Քարտի վերաթողարկում

- Քարտի ժամկետը լրանալու դեպքում Ավանդի գործողության ժամկետում անվճար (սպասարկման վճարը և հաշվի չնվազող մնացորդը՝ 0 ՀՀ դրամ), քարտի սպասարկման այլ պայմանները՝ համաձայն Բանկի կողմից մատուցվող ծառայությունների սակագների,
- Ավանդի ժամկետը լրացած լինելու դեպքում, կամ քարտի վնասման կամ կորստի և (կամ) PIN կոդի գողության կամ կորստի դեպքում՝ համաձայն Բանկի կողմից մատուցվող ծառայությունների սակագների:
- Եթե քարտը տրամադրվել է վերաթողարկման պահին փակված ավանդի հիման վրա, բայց վերաթողարկման պահին հաճախորդի անունով գործում է այլ ավանդ և եթե քարտի դասը համապատասխանում է գործող ավանդի մնացորդին, ապա թույլատրվում է վերաթողարկել քարտը անվճար (սպասարկման վճարը և հաշվի չնվազող մնացորդը՝ 0 ՀՀ դրամ):

Ավանդի գործողության ժամկետում հաճախորդի կողմից քարտի փակման դիմում ներկայացված լինելու դեպքում նոր քարտի տրամադրումը իրականացվում է համաձայն Բանկի կողմից մատուցվող ծառայությունների սակագների:

Եթե Ավանդատուն դիմում է Քարտի ստացման կամ քարտի ժամկետը լրանալու դեպքում վերաթողարկման համար ավանդային պայմանագրի գործողության ժամանակահատվածում և եթե Բանկում տվյալ պահին չի թողարկվում սույն կետով սահմանված քարտատեսակը/ները, ապա Քարտի տեսակը որոշվում է տվյալ պահին Բանկում գործող ժամկետային ավանդների համար նախատեսված պայմանների համաձայն:

2. Այլ պայմաններ և սահմանափակումներ.

- **Ավանդատուն իրավունք ունի ավանդը ներդնել հոգուտ երրորդ անձի՝ ՀՀ օրենսդրությամբ սահմանված կարգով:**
- Եթե ավանդը ներդրվում է արտարժույթով, ապա Ավանդատուն գրավոր հավաստում է, որ ավանդային պայմանագիրը կնքելու պահին գիտակցել ու ընդունել է արտարժույթի փոխարժեքի փոփոխման հետևանքով հնարավոր ռիսկերը:
- Ավանդի ժամկետի երկարաձգման դեպքում օրերի և ավանդի դիմաց տոկոսների հաշվարկը սկսվում է երկարաձգման օրվանից ներառյալ:
- Բանկային ավանդի գումարի վրա տոկոսները հավելագրվում են ավանդը Բանկ մուտք լինելու օրվանից մինչև այն Ավանդատուին վերադարձնելու կամ Ավանդատուի հաշվից այլ հիմքերով դուրս գրելու օրվան նախորդող օրը:
- Ավանդատուն կարող է ցանկացած ժամանակ պահանջել Բանկից վերադարձնել ավանդի գումարը և համապատասխան տոկոսագումարները (ընդ որում հավելագրված, սակայն դեռևս չվճարված տոկոսները չեն վճարվում, եթե ավանդատուն մարման ժամկետից շուտ է պահանջում ավանդի գումարը, տոկոսագումարները վճարվում են համաձայն սույն ամփոփագրի 1-ին մասում նշված պայմանների):
- Բանկը պարտավոր է ավանդի գումարը կամ դրա մի մասը վերադարձնել Ավանդատուին նրա առաջին իսկ պահանջով:
- Այն դեպքում, երբ Ավանդատուն ավանդի ժամկետի ավարտից հետո չի պահանջում վճարել ավանդի գումարը և հաշվարկված տոկոսագումարները, ապա Բանկը ավանդի գումարը և հաշվարկված տոկոսները փոխանցում է ավանդատուի ցպահանջ հաշվին: Ավանդատուի ցպահանջ հաշվին փոխանցված գումարների նկատմամբ հավելագրվում են տոկոսներ՝ տվյալ պահին Բանկում գործող ցպահանջ ավանդների համար սահմանված դրույքաչափով:
- Բանկն իրավունք ունի փոփոխելու ցպահանջ ավանդների դիմաց վճարվող տոկոսների չափը, եթե այլ բան նախատեսված չէ բանկային ավանդի պայմանագրով: Բանկի կողմից ցպահանջ ավանդների համար վճարվող տոկոսների չափը նվազեցնելու դեպքում տոկոսների նոր չափը կիրառվում է մինչև ավանդատուին տոկոսները նվազեցնելու մասին հաղորդումը ներդրված ավանդների նկատմամբ՝ համապատասխան հաղորդման օրվանից մեկ ամիս անցնելուց հետո, եթե այլ բան նախատեսված չէ պայմանագրով:
- Բանկային ավանդի պայմանագրով որոշված այն ավանդի համար տոկոսների չափը, որը Ավանդատուն ներդրել է որոշակի ժամկետի ավարտից կամ պայմանագրով նախատեսված հանգամանքները վրա հասնելուց հետո այն հետ ստանալու պայմանով, Բանկը չի կարող միակողմանի նվազեցնել, եթե այլ բան նախատեսված չէ օրենքով:
- Ավանդատուն պարտավոր է պահպանել ՀՀ օրենքների և դրանց համապատասխան սահմանված բանկային կանոնների, ժամկետային ավանդների ընդունման մասին Բանկում գործող ընթացակարգերի պահանջները:
- Ավանդը վերադարձվում է Ավանդատուին այն արժույթով, որով ներդրվել է այն:
- Ավանդը, դրա մասը և (կամ) դրա վրա հաշվեգրված տոկոսները ստանալիս՝ Ավանդատուն Բանկ է ներկայանում անձը հաստատող փաստաթղթով:
- Պայմանագրի իր օրինակը կորցնելու, հասցեի փոփոխության, Ավանդատուին նույնականացնելու համար այլ անհրաժեշտ փաստաթղթերի կորստի կամ փոփոխության դեպքում, Ավանդատուն պարտավոր է 10 (տաս) աշխատանքային օրվա ընթացքում տեղյակ պահել Բանկին անհրաժեշտ փոփոխություններ իրականացնելու համար,

ընդ որում Ավանդատուն պատասխանատվություն է կրում հիշյալ ժամկետում Բանկին համապատասխան փոփոխությունների մասին չտեղեկացնելու հետևանքների համար:

- Եթե ավանդի մարման կամ ավանդի ժամկետի երկարաձգման օրը համընկնում է ոչ աշխատանքային կամ հանգստյան օրվա հետ, ապա ավանդի մարումը կամ ավանդի ժամկետի երկարաձգումը կատարվում է ոչ աշխատանքային կամ հանգստյան օրվան հաջորդող առաջին աշխատանքային օրը՝ ոչ աշխատանքային կամ հանգստյան օրերի համար վճարելով տոկոսներ:
- Ավանդային պայմանագրի գործողության ընթացքում կատարված փոփոխությունները՝ պայմանագրի պայմանների, կողմերի իրավունքների, պարտականությունների, պատասխանատվության սահմանման, փոփոխման կամ դադարեցման կամ ավանդային պայմանագրի վրա որևէ ազդեցություն ունեցող բանկի ներքին ակտերի փոփոխման դեպքում, որը հանգեցնում է տարեկան տոկոսային եկամտաբերության փոփոխման, Բանկը պարտավոր է գրավոր, փոստային կապի միջոցով տեղեկացնել Ավանդատունին՝ նոր պայմանների վերաբերյալ՝ տարեկան տոկոսային եկամտաբերության փոփոխման օրվանից առնվազն 15 օր առաջ:
- «Արժույթային կարգավորման և արժույթային վերահսկողության մասին» ՀՀ օրենքի 6-րդ հոդվածի 2-րդ կետի համաձայն, ֆինանսական գործառնությունների դիմաց վճարվող տոկոսագումարներն ավանդատուի ցանկությամբ կարող են վճարվել ՀՀ դրամով, ինչպես նաև այն արտարժույթով, որով ներգրավվել է ավանդը:
- **Բանկը, հանդիսանալով Ֆիզիկական անձ- ավանդատուի հարկային գործակալ, կատարում է գանձումներ համաձայն ՀՀ և ԱՀ հարկային օրենսդրության: Ավանդներից ստացված եկամուտները ենթակա են հարկման ՀՀ տարածքում՝ ավանդի դիմաց հաշվեգրված տոկոսագումարի 10% (տաս տոկոսի) չափով, ԱՀ տարածքում՝ 5% (հինգ տոկոսի) չափով, իսկ օտարերկրյա քաղաքացիներից և քաղաքացիություն չունեցող անձանցից՝ 10% (տաս տոկոսի) չափով:**

3. Ավանդատուի իրավունքների պաշտպանությունը՝

- Ավանդային պայմանագրից բխող բոլոր առաջանալու դեպքում, Ավանդատուն կարող է պաշտպանել իր խախտված իրավունքները դիմելով Բանկ, անհամաձայնության դեպքում՝ դիմել դատարան կամ Ֆինանսական համակարգի հաշտարարին:
- Բանկը պարտավոր է քննել Ավանդատուի բողոք-պահանջը, եթե այն ներկայացվել է մեկ տարվա ընթացքում՝ սկսած այն պահից, երբ Ավանդատուն իմացել է կամ կարող էր իմանալ իր իրավունքի խախտման մասին:
- Բանկը պարտավոր է 10 (տաս) աշխատանքային օրվա ընթացքում Ավանդատունին տալ վերջնական պատասխան: Բանկի պատասխանը Ավանդատունին չբավարարելու դեպքում, վերջինս վեց ամսվա ընթացքում կարող է դիմել Ֆինանսական համակարգի հաշտարարին, համաձայն «Ֆինանսական համակարգի հաշտարարի մասին» ՀՀ օրենքի, կամ դիմել դատարան՝ օրենքով սահմանված կարգով: Ֆինանսական համակարգի հաշտարարը իրավունք ունի քննելու այն պահանջները, որոնք ներկայացվել են հաճախորդի կողմից կազմակերպության դեմ, կապված են կազմակերպության կողմից մատուցվող ծառայությունների հետ և պարունակում են 10 000 000 ՀՀ դրամ կամ դրան համարժեք այլ արժույթով գումարը չգերազանցող գույքային պահանջ:

4. Երաշխավորված ավանդի չափերը՝

«Ֆիզիկական անձանց բանկային ավանդների հատուցումը երաշխավորելու մասին» ՀՀ օրենքի համաձայն, ՀՀ տարածքում գործող բանկերում ֆիզիկական անձանց (այդ թվում՝ անհատ ձեռնարկատերերի) բանկային ավանդների հատուցումը երաշխավորված է Ավանդների հատուցումը երաշխավորող հիմնադրամի կողմից: Երաշխավորվում են ավանդատուի ինչպես դրամային, այնպես էլ արտարժույթային ավանդները: Օրենքով սահմանված են երաշխավորված ավանդների հետևյալ չափերը.

- եթե ավանդատուն անվճարունակ բանկում ունի միայն դրամային բանկային ավանդ, ապա երաշխավորված ավանդի չափը տասնվեց միլիոն հայկական դրամ է:
- եթե ավանդատուն անվճարունակ բանկում ունի միայն արտարժույթային բանկային ավանդ, ապա երաշխավորված ավանդի չափը յոթ միլիոն հայկական դրամ է:
- եթե ավանդատուն անվճարունակ բանկում ունի դրամային եւ արտարժույթային բանկային ավանդներ, եւ դրամային բանկային ավանդի գումարը յոթ միլիոն հայկական դրամից ավելի է, ապա երաշխավորվում է միայն դրամային ավանդը՝ մինչեւ տասնվեց միլիոն հայկական դրամով:
- եթե ավանդատուն անվճարունակ բանկում ունի դրամային եւ արտարժույթային բանկային ավանդներ, եւ նրա դրամային բանկային ավանդի գումարը պակաս է յոթ միլիոն հայկական դրամից, ապա երաշխավորվում է դրամային բանկային ավանդն ամբողջությամբ եւ արտարժույթային բանկային ավանդը՝ յոթ միլիոն դրամի եւ հատուցված դրամային բանկային ավանդի տարբերության չափով:

Ավանդատուի՝նույն բանկում ունեցած բոլոր դրամային ավանդները համարվում են մեկ ավանդ և ավանդատուի՝նույն բանկում ունեցած բոլոր արտարժույթային ավանդները համարվում են մեկ ավանդ:

5. Տարեկան տոկոսային եկամտաբերություն.

Ավանդի արժույթը	730 օր
	տարեկան տոկոսային եկամտաբերություն (%)
ՀՀ դրամ	8.24%
ԱՄՆ դոլար	3.70%

6. Տեղեկատվություն տոկոսադրույքների վերաբերյալ.

ՈՒՃԱԴՐՈՒԹՅՈՒՆ՝ ՁԵՐ ՀԱՇՎՈՒՄ ԱՌԿԱ ՄԻՋՈՑՆԵՐԻ ՆԿԱՏՄԱՄԲ ՏՈԿՈՍԱԳՈՒՄԱՐՆԵՐԸ ՀԱՇՎԱՐԿՎՈՒՄ ԵՆ ԱՆՎԱՆԱԿԱՆ (ՊԱՐԶ) ՏՈԿՈՍԱԴՐՈՅՔԻ ՀԻՄԱՆ ՎՐԱ: ԻՍԿ ՏԱՐԵԿԱՆ ՏՈԿՈՍԱՅԻՆ ԵԿԱՄՏԱԲԵՐՈՒԹՅՈՒՆԸ ՑՈՒՅՑ Է ՏԱԼԻՍ ԹԵ ՈՐՔԱՆ ԵԿԱՄՈՒՑ ԿՍԱՆՆԱՅԻՔ ԴՈՒՔ, ԵԹԵ ՁԵՐ ԱՎԱՆԴԻ ԴԻՄԱՑ ՍՏԱՅՎԱԾ ՏՈԿՈՍԱԳՈՒՄԱՐՆԵՐԸ ՎԵՐԱՆԵՐԴՆԵԻՔ ԱՎԱՆԴԻ ՏԵՍՔՈՎ:

- Ավանդի տարեկան տոկոսային եկամտաբերությունը (APY) ցույց է տալիս , թե որքան կկազմի ավանդի տարեկան եկամտաբերությունը հաճախորդի կողմից ավանդի հետ կապված պարտադիր վճարներ կատարելու և ստացված տոկոսագումարները մայր գումարին ավելացնելու /կապիտալացման/ արդյունքում:
 $APY = (1+r/n)^n - 1$, որտեղ՝

APY – տարեկան տոկոսային եկամտաբերություն,
r – տարեկան պարզ տոկոսադրույք,
n – մեկ տարվա ընթացքում տոկոսագումարների կապիտալացման հաճախականությունն է,

Իսկ տվյալ ավանդատեսակի գծով տարեկան տոկոսային եկամտաբերության հաշվարկը կատարվում է հետևյալ կերպ. տարեկան պարզ տոկոսադրույքը սահմանված է որևէ ժամանակահատվածի համար, և մնացած ժամանակահատվածի ընթացքում այն փոփոխվում է, ապա տարեկան տոկոսային եկամտաբերության հաշվարկին մասնակցում են թե՞ տվյալ ժամանակահատվածի համար սահմանված տոկոսադրույքը և թե՞ փոփոխվողը՝ հետևյալ կերպ.
 $APY = ((1+r1/n)^n \times (1+r2/n)^n \times (1+r3/n)^n \times (1+r4/n)^n \times (1+r5/n)^n \times (1+r6/n)^n \times (1+r7/n)^n \times (1+r8/n)^n)^{1/8} - 1$

Տվյալ տեսակի ավանդային պայմանագրով տոկոսների հաշվարկման բանաձև՝ տոկոսների եռամսյակային կապիտալացման կիրառման և տոկոսադրույքի եռամսյակային փոփոխման դեպքում

Ավանդի ներդրման օրերի քանակ – 730 օր /ավանդի ներդրման օրերի քանակ՝ հաշվի առնելով ՀՀ Քաղաքացիական օրենսգրքի 907 հոդվածի 1-ին կետը, համաձայն որի Բանկային ավանդի գումարի վրա տոկոսները հավելագրվում են ավանդը Բանկ մուտք լինելու օրվանից մինչև այն Ավանդատուին վերադարձնելու կամ ավանդատուի հաշվից այլ հիմքերով դուրս գրելու օրվան նախորդող օրը:

- Ներդրված ավանդի գումար – 100.000 ՀՀ դրամ,
- Տոկոսագումարների եռամսյակային կապիտալացում
- Տոկոսադրույքների եռամսյակային փոփոխություն

Տարեկան տոկոսային եկամտաբերություն – 8.24%

$$APY = ((1+0.0625/4)^4 \times (1+0.0675/4)^4 \times (1+0.0725/4)^4 \times (1+0.0775/4)^4 \times (1+0.0825/4)^4 \times (1+0.0875/4)^4 \times (1+0.0925/4)^4 \times (1+0.0975/4)^4)^{1/8} - 1$$

Ավանդի ներդրման ողջ ժամանակահատվածի համար տոկոսագումարը կկազմի $100000 \times 8.24\% / 365 \times 729 = 16457.42$ ՀՀ դրամ (առանց հարկման)

7. **Այլ տեղեկություններ**, Բանկի վերաբերյալ տվյալներ.

«ԱՄԻՕ ԲԱՆԿ» Փակ Բաժնետիրական Ընկերություն

Հասցե՝ 0010, ՀՀ, ք.Երևան, Նալբանդյան 48, Հեռ.՝ (+37410) 59-20-20, (+37460) 37-25-00, ֆաքս՝ +37410 59 20 64

Ինտերնետային կայք՝ www.amiobank.am, էլ. փոստ՝ info@amiobank.am

Գրանցման վկայական՝ թիվ 0176, տրված 10.12.1991թ., Բանկային գործունեության լիցենզիա՝ թիվ 40, տրված 10.12.1991թ.

Ծառայությունների ցանկը, որը Բանկը իրավունք ունի մատուցել՝ համաձայն «Բանկերի և բանկային գործունեության մասին» ՀՀ օրենքի Գլուխ 4-ի: